

Broj: 01-01.3-1677-18/24 BDŽ  
Datum: 16.05.2024. godine

Na osnovu člana 69. stav (3) Zakona o javnim nabavkama ("Službeni glasnik BiH", broj 39/14 i 59/22), v.d. direktora Javnog preduzeća Autoceste Federacije Bosne i Hercegovine društvo sa ograničenom odgovornošću Mostar donosi sljedeću:

### **ODLUKU o otkazivanju postupka javne nabavke u otvorenom postupku**

I

Postupak za javnu nabavku roba „Nabavka vode za piće“, LOT 2 – Nabavka vode za piće za potrebe naplatnih mjesta na autocesti A1 u FBiH, broj: 01-01.3-1677/24 BDŽ, za koji je objavljeno Obavještenje o nabavci, broj: 266-1-1-42-3-131/24 na Portalu javnih nabavki dana 12.03.2024. godine, otkazuje se u skladu sa članom 69. stav (3) Zakona o javnim nabavkama (u daljem tekstu: Zakon), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

II

U skladu sa članom 70. stav (6) Zakona, JP „Autoceste FBiH“ d.o.o. Mostar će ovu Odluku objaviti na svojoj internet stranici: [www.jpautoceste.ba](http://www.jpautoceste.ba) i to istovremeno s upućivanjem Odluke ponuđaču koji je učestvovao u postupku nabavke.

### **O b r a z l o ž e n j e**

Javno preduzeće Autoceste Federacije Bosne i Hercegovine društvo sa ograničenom odgovornošću Mostar je u skladu sa čl. 14. stav (4), 17. stav (1), 18. stav (1), 19. stav (1) i 32. stav (1) Zakona pokrenulo otvoreni postupak broj 01-01.3-1677/24 BDŽ za nabavku roba: „Nabavka vode za piće, LOT 2 – Nabavka vode za piće za potrebe naplatnih mjesta na autocesti A1 u FBiH“. Na Portalu javnih nabavki objavljeno je Obavještenje o nabavci, broj: 266-1-1-42-3-131/24 dana 12.03.2024. godine.

Kriterij za dodjelu ugovora je „najniža cijena“.

Na osnovu Obavještenja o nabavci i tenderske dokumentacije održano je javno otvaranje ponuda dana 02.04.2024. godine u 10:30 sati u prostorijama Javnog preduzeća Autoceste Federacije Bosne i Hercegovine d.o.o. Mostar, Operativni ured u Sarajevu, Hamdije Kreševljakovića 19, Sarajevo. Komisija je na javnom otvaranju ponuda konstatovala da do utvrđenog krajnjeg roka je blagovremeno zaprimljena 1 (jedna) ponuda.



Shodno članu 65. Zakona, komisija za nabavke je sačinila i dostavila Zapisnik o pregledu i ocjeni ponuda broj: 01-01.3-1677-11/24 BDŽ dana 22.04.2024. godine, te je donesena Odluka o izboru najpovoljnijeg ponuđača broj: 01-01.3-1677-12/24 BDŽ kojom se Okvirni sporazum za nabavku roba: „Nabavka vode za piće“, LOT 2 – Nabavka vode za piće za potrebe naplatnih mjesta na autocesti A1 u FBiH, dodjeljuje ponuđaču "Corto d.o.o." Sarajevo, koji je u otvorenom postupku jedini dostavio ponudu koja je prihvatljiva, odnosno ispunjava sve uslove i zahtjeve propisane tenderskom dokumentacijom.

Naprijed izabrani ponuđač je bio dužan u roku od 5 (pet) dana od dana prijema Odluke o izboru najpovoljnijeg ponuđača dostaviti:

- Originale ili ovjerene kopije traženih dokaza za kvalifikaciju ponuđača u pogledu lične sposobnosti na osnovu člana 45. stav (1) tač. a) do d). Zakona, a za koje je dao izjavu u skladu sa Aneksom 6 tenderske dokumentacije

Nakon dostavljanja Odluke o izboru najpovoljnijeg ponuđača broj: 01-01.3-1677-12/24 BDŽ od 09.05.2024. godine u otvorenom postupku za javnu nabavku roba: „Nabavka vode za piće“, LOT 2- Nabavka vode za piće za potrebe naplatnih mjesta na autocesti A1 u FBiH, dostavljene putem e-maila dana 09.05.2024. godine, izabrani ponuđač Corto d.o.o. Sarajevo je bio dužan da u ostavljenom roku od 5 (pet) dana, na protokol ugovornog organa dostavi dodatnu dokumentaciju, odnosno ovjerene kopije svih zahtjevanih dokumenata iz člana 45. stav (1) tač. a) do d) Zakona, odnosno dokumente kojima potvrđuje vjerodostojnost date Izjave o ispunjavanju uslova lične sposobnosti iz člana 45. stav (1) tač. a) do d) Zakona. Ponuđač "Corto d.o.o." Sarajevo je dana 14.05.2024. godine, dakle u ostavljenom roku od 5 (pet) dana dostavio dodatnu dokumentaciju. Komisija za nabavke za predmetni postupak je po zaprimanju dodatne dokumentacije pristupila pregledu i ocjeni iste, o čemu je sačinjena Službena zabilješka broj: 01-01.3-1677-16/24 BDŽ od 14.05.2024. te je konstatovano da izabrani ponuđač "Corto d.o.o." Sarajevo ne ispunjava u potpunosti uslove lične sposobnosti ponuđača iz člana 45. stav (1) tačka a) Zakona.

Naime, kako je i navedeno u tački 7.1.3. tenderske dokumentacije broj: 01-01.3-1677-1/24 BDŽ objavljenoj na Portalu javnih nabavki dana (obaveza dostavljanja dokaza je dodatno navedena i u tački e) Zapisnika o pregledu i ocjeni ponuda broj: 01-01.3-1677-11/24 BDŽ od 22.04.2024.godine), a shodno obavještenju Agencije za javne nabavke Bosne i Hercegovine, datom po pojašnjenju od strane Suda Bosne i Hercegovine u aktu od 21.05.2019. godine u cilju prihvatljivosti ponuda, ponuđač iz BiH je obavezan, u smislu odredbi člana 45. stav (1) tačka a) Zakona o javnim nabavkama, u vezi sa stavom (2) tačka a) istog člana Zakona, da kumulativno dostavi uvjerenje/potvrdu Suda BiH i uvjerenje/potvrdu suda prema sjedištu pravnog lica, odnosno ponuđača iz kojeg je vidljivo vidljivo da mu u krivičnom postupku nije izrečena pravosnažna presuda kojom je osuđen za krivična djela organizovanog kriminala, korupcije, prevare ili pranja novca.

Ponuđač nije u sklopu svoje ponude: broj 3015/24 od 01.04.2024. godine niti u sklopu dodatne dokumentacije, koju je bio dužan dostaviti u roku od 5 (pet) dana od dana prijema Odluke o izboru najpovoljnijeg ponuđača, dostavio Uvjerenje/potvrdu Suda BiH iz kojeg je vidljivo da mu u krivičnom postupku nije izrečena pravosnažna presuda kojom je osuđen za krivična djela organizovanog kriminala, korupcije, prevare ili pranja novca kao i uvjerenje suda prema sjedištu kandidata/ponuđača, kojima dokazuje da protiv kandidata/ponuđača u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca. Nadalje, ponuđač je propustio dostaviti dokumentaciju iz člana 45. stav (1) tačka d) Zakona kojom se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza. Takođe ponuđač je propustio dostaviti dokumentaciju iz člana 45. stav (1) tačka b) kojom potvrđuje da ponuđač nije pod stečajem niti je predmet stečajnog postupka, nije predmet postupka likvidacije, odnosno nije u postupku

obustavljanja poslovne djelatnosti. Ponuđač je ispunio iz člana 45. stav (1) tačka ε) Zakona kojom što je dokazao dostavljanjem uvjerenja suda prema sjedištu pravnog lica (Uvjerenje općinskog suda u Sarajevu) međutim dostavljano uvjerenje je izdato 14.05.2024. godine dok je datum predaje ponuda bio 02.04.2024. godine, što implicira da je pomenuto uvjerenje izdato nakon datuma predaje ponude. S tim u vezi, nije jasno navedeno da je ponuđač traženi uslov ispunjavao na dan predaje ponude. U dostavljenom dokumentu je navedeno da ponuđač traženi uslov ispunjava na dan njihovog izdavanja.

S obzirom na činjenicu da izabrani ponuđač nije dokazao da ispunjava u potpunosti uslove lične sposobnosti ponuđača iz člana 45. stav (1) tač. a) do d) Zakona, te da je isti jedini učesnik u predmetnom postupku, Ugovorni organ nije u mogućnosti postupiti u skladu sa članom 72. stav (3) tačka d) Zakona, odnosno dostaviti prijedlog ugovora ponuđaču čija je ponuda po rang-listi odmah nakon ponude nauspješnijeg ponuđača, komisija za nabavke daje prijedlog da se postupak za javnu nabavku roba " Nabavka vode za piće", LOT 1 – Nabavka vode za piće ured Mostar/Sarajevo otkáže u skladu sa članom 69. stav (3) Zakona, zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Shodno navedenom odlučeno je kao u dispozitivu ove Odluke.

#### **Pouka o pravnom lijeku:**

Protiv ove Odluke može se izjaviti žalba u roku od 10 (deset) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine **putem ugovornog organa**, u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od 3 (tri).

**v.d. izvršnog direktora  
za opće, kadrovske i pravne poslove:**



.....  
**Mirnesa Agić, dipl. oec.**

**v.d direktora:**



Dostaviti:

- ponuđaču koji je predao ponudu
- a/a